

Nlir nnap-nlà aBulus ônəm Inan oga AFilibi

¹ Awasika va ta fa ka atak yi uBulus ka uTimoti ozwal Inan, na a ga atak nkpaktak onəm Inan ka ashe aYesu kəristi ka aFilibi. N lir pa na a ga atak onəm oga nnakshi ka ikilisiya nzəng ka onəm oga nna nkamshi ka ashe ikilisiya kpa.

² Re nnap-nnənan, ka nra igwak Inan uPo yi ka uPonzhi yi uYesu Kəristi a təm nzəng ka wo.

Adəngchi ka aduwa

³ Pa dəkər mi rəng nnap wo ka ashe aduwa te, mi na adəngchi Inan.

⁴ Ka ashe nkpaktak aduwa mi kakul wo pa kpaktak te, pa dəkər dəkər te, mi nəm ka ashe nchang igwak

⁵ kakul awo wo nna ya ka ashe inok nla nnap-nlà Inan ngga nchang nfe. O ban inok va ta ka ilum va ka o ban nfe nnap-nlà Inan ngga nchang nfe ka, nna kang har nyangmata nna o ya ka anunung na pa har.

⁶ Igwak kam mi kam. Unəm va uwa ban inok inənan va ta ka ashe wo te, uwa i ga i gba ka har i ga i chu ilum nvang aYesu kəristi.

⁷ A məmal pa n kat nnap wanta ka apal ishi nkpaktak wo kakul mmawó nnap ngga anung anyi mi. Nkpaktak wo ka nnəm inok Inan ichumchum va ta nzəng ka mi ka nza asal-awu nggo, nva mmami ka ashe ikan, nva ka n ya ka

nlung ka nla nnandər ka nnyam nnandər nnap-nlā Inan ngga nchang nfe a.

⁸ N dom nnap wo pa gənggəng. Inan ká ishi wò i ləla pa mmami ka nnap akwam kat. N man wo ka apir mman nja aYesu kərísti.

⁹ Mmami ka nchal Inan pa mman wo a ga mpyal pa makmak. Mmami ka nchal pa o ga mpyal pa makmak kpa ka ashe nnyi ka nkpán ipir nnap

¹⁰ na o yà ka aghan aga nvan nnap pa chak ka apal ishi iyam va byen ji pa kpaktak. Na o tong onəm va yà ka adak ro ka pa dap kat kpa. Onəm va i pat nnap ro va mí pwat kat har i ga i chu ilum nvang aKərísti.

¹¹ Mmami ka nchal pa nnap nnəm nnənan va fa ka atak aYesu Kərísti te, a təm ka ashe wo pa makmak na o na ichumchum Inan nzəng ka adəngchi.

Nnap-nlā Inan ga mpyal

¹² Ógənan, n dom pa o nyi pa iyam va ya mi te, a sat chit iga mba ka ngga mpyal nla nnap-nlā Inan ngga nchang nfe.

¹³ A nak te, onəm oga mpángchi atak ka nzhi aPonzhi pa kpaktak ka aboshi onəm nyi chit pa ma pak mi ka ashe ikan kakul aKərísti.

¹⁴ Mpak mi va ta nak ipang kam mmakmak ogənan mi ka ashe aPonzhi uYesu. Igwak kam oza ka nla nnap-nlā Inan pa makmak. Oza i là ayər ro yà ka ashishe ka pa dap kat.

¹⁵ Nnandər, oro ka nla nnap-nlā aKərísti ka ashe ikpar ka nram anung. Ka nna kpa te, oro ka nləla ka ashe afu bəngbəng jo oza kat.

¹⁶ Onəm va ta i nəm ka ashe mman jo oza, kakul oza nyinyi pa ma ba ka mi ka ta kakul pa n lung ka nla nnander nnap-nla Inan ngga nchang nfe.

¹⁷ Oro nnyi te, oza ka nla nnap-nla aKeristi nzeng ka nchang kat. Oza i nəm ka ndom ishi na o watar mi. Kakul oza reng pa o nak mbek anung mi jujwak nva mmami ka ashe ikan ta a.

¹⁸ Iza iyam iga ndaktak ka ashishe ya? Iyam ichumchum va rwa ka ashishe te, nna pa ka ka nza asal nggo, ka ashe avyal, kat te ka ashe nnander te, ma la nnap-nla aKeristi chit. A nak te, igwak chang mi pa makmak. wantana mi tem pa kwak ka ashe nchang igwak.

¹⁹ Kakul n nyinyi pa nkpaktak iyam va ya mi te, i tal iga nkamshi mi ka atak aduwa wo ka nkamshi aRuhu aYesu keristi.

²⁰ A dom mi byet nzeng ka nnak igwak pa kan ma nem iyam ro iga iwuswa kat. Nva pa n nem iyam iga iwuswa te, n dom nyangmata jujwak pa ipang a kam mi pa genggeng wa nva pa dekər a. Na n na ichumchum uKeristi ka ashe izər mi iga mbwang va ta. Re n na ichumchum a na ka ka ashe ntəm mi, kat te ka ashe ikú mi.

²¹ Kakul ka atak mi te, ntəm ka iriri te, i ya kakul aKeristi. Nkú nnyi te, nna i fu i ji.

²² Ka nna kpa te, a ya pa nna n kú chit kat, nna n ya ka ashe izər iga mbwang va ta te, mi nem inok nem va bibyen iga kamshi onəm. Chit te, iza mi yak da? N nyi iyam va pa n nem kat.

²³ Nnap ngga mparəm va ta i kan mi kan. N dudom pa na ka n ga n ya nzeng ka uKeristi. Nna chang ji pa kpaktak.

²⁴ ka nna te, iyam va rwa mi ji te, n dom pa n

səsat kan ka_kul wo. Kang n kú chit ka_.

²⁵ N nyinyi ka_ ngga_m ro yà ka_ ka_. A nak te, n nyinyi pa_ nna mi səsat kan, mi təm nzəng ká wo pa_ kpaktak. Ka_kul nna ta i yà ngga mpyal wo nzəng ka_ nchang igwak nna nnandər wo.

²⁶ Nle mi təm nzəng ká wo i nak nchang igwak wo i mak pa_gənggəng na mí zuk ka_anung abang.

²⁷ Re ntəm wo a mà ká iya_m va nnap-nlà ngga nchang nfe ka_ apal ishi aKəristi là. Nna ta iya_m ichumchum. Nna à yà pa_ ma ba atak wo na í ya wo, ka_ te ka_ mà fe nnap wo na pa kùk te, re í fe pa_ o sat kəkam ka_ apal ishi nnap nzəngtəng. Re o lung ikum ka_kul nna nnandər ngga nnap nnap-nlà Inan wa anəm pa_ uzəng.

²⁸ Kang ayər onəm oga nyang nnap wo ka_ a yà wa nsang nggo te, a nəm wo ka_. Iya_m va_ ta i ga nnyam apir nzhì va_ oza_ i zhì. Mmawo jiwo te, i ga nnyam pa_ o ləlár. Nnyám nnap va_ ta fa ka_ atak Inan.

²⁹ Ma na atak nsat awo na chwat ka_kul nna nnandər ká uKəristi ka_. Ma wór wo pa_ o bək anung kakukul kpa.

³⁰ Nyangmata_ te, mmawó ka_ nlung apir nlung va_ ka_ o fe pa_ ka_ n lung kang nna n yà ka_anunung na pa_ har a.

2

Nyen ká ishi aKəristi ká ichumchum chum-chum

¹ A yà pa_ nna o yà ka_ nkam igwak ka_ atak ntəm nzəng ká uKəristi, ka_ nná nkam igwak ka_ atak mməman_, ka_ ntəm ngga mman_ nzəng ka_

aRuhu Nənan, nɛng ka nnyam nnyi nnap, ka nrwa igwak ówan wo te,

² o kúr anung nchang igwak á mi ka nnap nnəm ngga nrəng nnap wo a ga ká iyam izəngtəng. Re mman wo a yà iyam zəngtəng na kpa. Re nrəng nnap ngga idimdim igwák wo a yà iyam zəngtəng. Re iyam vā o nak ka mpyal wo te, a yà iyam izəngtəng.

³ Kang o man o nəm iyam ro ka ndom ishi, kat te nyar mbal kat. Re nza unəm nggo ka atak nyen ká ishi te, uza a yar pa mmawò iyam iro kat. Uza a yar pa uwan wò uwa ji.

⁴ Kang unəm ro ka ashe wo a nakshi ká nnap ngga ishi wò na chwat kat. Re uza a nakshi nak ká nnap owan wò kpa.

⁵ Re nnap nnəm wo a yà wa nja aYesu kəristi

⁶ uva kap ka nva pa nnap nnənəm pa səlak nnap nnəm Inan te, uza nak ntal iyam izəngtəng ká Inan vā tā iyam iva o pin kà ifan kat.

⁷ Uza nak ishi wò iyam iro kat, har uza yar nnap nnəm ayen uzwal, mma mar na ká apir izər ánəm.

⁸ Ka nvəngvā uza nyám ishi wò chit ka mban ka ashe izər anəm te, uza yen ká ishi wò. Uza təm ka ashe nkpak nnap nnəm har ikú. Ikú iva iga apal akun a.

⁹ A nak te, Inan rup ka na, a na atak nsat á na nva ji pa kpaktak. Uza na adín achumchum á na ava ji pa kpaktak kpa.

¹⁰ Na nza unəm nggo ka ashe apabur, ká apam-bin, ká avəng mbin te, oza á kuchi á vāng ká izər âdín a vā ta.

¹¹ Nza unəm nggo i là ká anung wò kpa pa uYesu uKəristi uwa uPonzhi na á na ichumchum İnan uPon.

Ngghan wa apitila

¹² Ónəm mi omanman, kakul nva ta te, wa nva ka o kpak nnap nnəm pa dəkər dəkər matmat te, re a jujwak nyangmata nva n yà nzəng ká wo kat a. O ga mpyal ka nnəm inok iga nkúr anung nnap nya irirì iga mbyet mbyet wo ka ashe ayər aga nra ká ishi nzəng ka nnəm iyam pa dakdak ka asəsa.

¹³ Kakul Inan uwà ka nnəm inok ka ashe igwák wo. Na o dom nnəm iyam va mal dakdak ká iyam va uza dom nzəng ka nnənəm.

¹⁴ Iyam va pa kpaktak mmawó ka nnənəm te, kan o lwang nnap ka anunung kat. Kang o dap atam ka apəpal kat kpa.

¹⁵ Na o tong onəm nənən pa chak, onəm va mí pwat kat. Onəm va ovan Inan va ka ashe nra onəm ovyapvyap, nra onəm onga a. ká nnà te, oza yà ka adak ro jo oza kat. Mmawo va ka ngghan ká ishimshe oza wa izhán iga apabur,

¹⁶ nva o bur nnap-nlà irirì va ta pa gənggəng a. Na ká ilum va uKəristi a yang ká te, re n lan pa shat pa ndak va n dak, ká nlung ka nzhing va n nəm te, n lung ka atak lakchi kat.

¹⁷ Ko ka ya pa mí tar nchər mi wa ntar mma k ká izər iyam ipápà wo ká inok va mmawó ka nnənəm kakul nna nnandər wo te, mmami ka nchang igwák. Mi təm ka ashe igwák ichangchang nzəng ká wo pa kpaktak.

¹⁸ Kakul nva ta te, re igwak wo a chang kpa na o təm ka ashe nchang igwak nzəng ka mi.

UTimoti ká uIpaforoditus

¹⁹ A yà pà uponzhi uYesu Kəristi i məman te, n rəng pà mi kàli kà nre nre ká uTimoti kà atak wo kat. Na asal-awu mi a tung pà ɗap, a yà pà mà fe nnap wo katətak a.

²⁰ N yà ká unəm ro lap va nrəng nnənap iyam izəngtəng ká njem va ɗom wo kà ntəm ikánkáng na uza i kúkú kà anunung wa njini kat.

²¹ Nza unəm nggo te, kà nnakshi kà nnap ngga ishi wò na chwat. Mi i nakshi kà nnap aYesu kəristi kat.

²² Kap ká nnà te, uTimoti jiwo te, o nyinyi nkpahtak wo pà uza pà te, uza kur unəm kur. Uza nəm inok nəm kà mi pà gənggəng kà apal ishi nnap nla nnap-nlà Inan ngga nchang nfe wa ayen ká upo wò.

²³ Nna nak te, mmami kà nrəng nnap nre na kà wo ilum va pà kpahtak mi kpán ipir ishi mi a.

²⁴ Kakul nkam va n ɗar ká izər aPonzhi uYesu te, igwak kam mi kam pà i gbang nvan kat te, mmami kà mba atak wo ká ishi mi.

²⁵ Ka nna kpa te, n ya bibyen pà ń re uIpaforoditus a le atak wo. Uza ugənanng mi, unəm uga nnəm inok nzəng kà mi, uyenzam uga nlung nzəng kà mi kà nzhing. Uwa o re ba pà uza a nakshi kà mi a.

²⁶ N ɗom pà ń re na a le atak wo kakul ndom nya wo pà kpahtak lom na byet. A ɗak na pà gənggəng. Kakul o fe chit pà ikánkáng izər kur na kat.

²⁷ Nnandər uza kà rwa byet na uza i kuku. ká nnà te, Inan ɗər na kà nrwa igwak, Inan ɗər uwa chwat kà nrwa igwak kat. Uza ɗər mi ɗər na kpa

ka nrwa ìgwak. Ka kul kan mà tèm ka ashe nlak ìgwak ka apal asèm nlak ìgwak ka.

²⁸ Nna nak te, izèr wu mi byet pa n re na a le atak wo. Ka kul a yà pa o ya na kàdì te, ìgwak wo i chang pa makmak kan nlak ìgwak njem nnyi te, i swakam kà.

²⁹ Ka kul nva ta te, uza a ba a chu te, o kam na ka ashe adin aPonzhi uYesu ka ashe nchang ìgwak mmakmak. O na ichumchum àpir onèm wa njini.

³⁰ Ka kul uza dat ka nkú ka kul nnèm inok aKèristi. Uza yap kà iriri wò ka anung nkúr anung inok va o kúr nnènèm á mi ka a.

3

Kang o dar nkam kà izèr ka

¹ Ógèang, kà nkukur te, re ìgwak wo á chàng ka kul áPonzhi uYesu. I rwam mi kà nlir iyam izèngtèng á wò ka. Nna ta ikàngkàng wo.

² O nèm dakdak kà ivá va ta. O nèm dakdak kà onèm onga va ta. O nèm dakdak ka onèm oga nkyèn izhé izèr va ta.

³ Ka kul mmayi va kà ngwop Inan ka atak ichumchum aRuhu Ruhu te, mmayi na onèm oga mpà ache aga nnandèr. Í lan ka kul áYesu kèristi na chwat. Í dar nkam yi ka iyam va nyi ànèm i nèm á na ka.

⁴ Kap kà nva pa iyam na yà pa kyák va kà nak mi kà ndar àpir ikam va ta a. A yà pa unèm ro uwa yà va rèng pa nna o yà kà iyam va i nak wò o dar nkam kà iyam va nyi ànèm i nèm á na te, re uza á nyi pa n ji na ji.

⁵ Mma pa_ache á mi kà nra ngga nnañne. Mmami uyen oIsarila umarmar. Mmami apir aBenjamin. Unəm uga akum ijili aIbərahim va kur ngwór kur pa_ unəm uga akum ijili onəm aIbərahim a. Kà nnap nkpak nnap mpakpak jiwo te, mmami uzəntəng kà ashe idongkong onəm oga nkú kà anung nkpak nnap mpakpak.

⁶ Kà nzhing kà nnap jiwo te, n zhing kà nnyán ká ikilisiya byet. Kà nnap nya nnap nnəm nnənan Inan kà atak nkpak nnap mpakpak te, n yà ká mpat nro ko pa_ dap kat.

⁷ Ká nna kpa te, nkamshi va pa_ kpaktak iyam va ta kà yà kà atak mi te, n dər chit sat iyam lakchi ñyangmata kakul áKəristi.

⁸ Nnandər nggam nro yà kà kat. N nak iyam chit pa_ kpaktak sat iyam lakchi kà atak mi, a yà pa_ unəm i mal oza ká nnyi ũYesu uKəristi uPonzhi mi va byen ji pa_ kpaktak a. Kakukul na n lang iyam pa_ kpaktak. N yar oza sat nnap nnəngnəng kà atak mi na uKəristi a sat ujem.

⁹ Na n ya atak nsat kpa kà ashishe. Mi ya kà atak nnap nnəm mi nnənan nro ngga nkpak nnap-mpakpak kat. I yà kakul nnap nnəm nnənan va ba kà atak nna nnandər ká uKəristi a. Nnap nnəm nnənan va fa kà atak Inan kan mí ya kà atak nna nnandər a.

¹⁰ Ndom mi na ta_ pa, n nyi uKəristi pa_ kpátkpát nzəng ká nnyi ichumchum chumchum iga ngwon kà atak ikú. N dom pa_ na m bək anung nzəng ká na. N dom kpa pa, kà n yà wa njini kà atak ikuku.

¹¹ Na kà kà yà sang nggo te, kà n wuwong na kpa kà atak ikú.

Ndər mpyal na byet

¹² Mmami ka nla pa, n ya iyaṃ va ta chit pa kpaktak kaṭ. N là pa n gbaḷ nnəm nkpaktak iyaṃ chit dō? O'o, mmami ka nlung ka nzhiṅ pa na n ga n kpán ka awo mi iyaṃ va uKəristi uYesu kpán mi kaḱukul a.

¹³ Ógənaṅ, n nak ishi mi pa n kpán chit kaṭ. Ka nna kpa te, iyaṃ pa izən mmami ka nnənəm. N kong ká iyaṃ va watar chit n re ka cho. N na ishi mi chit pa kpaktak ka nya iyaṃ va ka mpyal.

¹⁴ Mmami ka nlung ka nzhiṅ na n ga n chu atak va ma nak pa ma chu, na n ya imwa va Inan wór mi ka apabur kaḱukul ka atak áYesu kəristi a.

¹⁵ A mal pa nkpaktak yi va i kur onəm chit te, re i təm ka ashe apir nrəṅ nnap va ta. A ya nnyi pa nrəṅ nnap wo a le pa di ka apal ishi iyaṃ ro te, Inan i nyám nnap va ta awo pa kpaktak.

¹⁶ Atak va pa kpaktak i chu chit te, re i ga mpyal ka ashe nnap nnəm va ta kan i le nvaṅ kaṭ.

¹⁷ Ógənaṅ, re nkpaktak wo ka anung zəṅtəṅ o dyaṅ nnap nnəm mi. O pak iwu ônəm va ka ntəm apir va mal ka nnap nnəm va ká i dyaṅ awo a.

¹⁸ Kaḱul wa nva m pak inok nləla awo chit matmat te, nda mmami ka nla awo kaḱi ka mbəl ká iwu pa oro pa kyák ka ntəm wa onəm oga nyang nnap ikú aKəristi iga apal akun.

¹⁹ Nkùr oza nzhì na chwat. Afu na Inan oza. Nnəm iyaṃ iga nkun iwuswa nna sat iyaṃ iga nnok oza. Iyaṃ ro ya oza nyi kaṭ. Nrəṅ nnap iyaṃ iga apambin na chwat oza nyi.

²⁰ Mmayi ji yi te, mmayi onəm oga apabur. Mmayi ka nlok ka nzhing nvang Anəm uga nna iriri iga mbyet mbyet ka apabur. Uwa wa uponzhi uYesu Kəristi.

²¹ Uza i vang te, uza i gabañ izər yi iga mbwang va ta i sat wa izəzər ibyenbyen ka atak ichumchumchum va i nak nkpaktak iyam i ya ka akukum a.

4

O təm ka nchang igwak ka ashe aPonzhi uYesu

¹ Kakul nva ta te, ógənanang mi omanman, mmawó va mi lom kə wo, mmawó va nchang igwak mi, ká iyam iga nnyam igwan mi, onəm mi omanman, a mal pa o tong a kəkam ka ashe aPonzhi uYesu wa nnà ta.

² Mmami ka nchal uAfodiya ká uSintiki ka nzhing, pa oza a təm ntəm ikánkáng ká izəzər kakul oza oji aPonzhi uYesu.

³ Mmami ka nchal bu anəm uga nnəm inok nzəng ka mi uga nra ká ishi. Wa kamshi ochar va ta. Ochar va lung nzəng ka mi pa gənggəng kakul nla nnap-nlà Inan ngga nchang nfe a. UKelemen ka abo onəm oga nnəm inok nzəng ka mi lung wa nnà ta kpa. Adín oza pa kpaktak na ya ka ashe atakarda adín onəm oga iriri iga mbyet mbyet.

⁴ Pa dəkər te, o təm ka ashe nchang igwak kakul aPonzhi uYesu. Mmami ka nla awo kàdi pa o təm ka ashe nchang igwak.

⁵ Re nnap nnəm wo ngga nra igwak a sat iyam va nkpaktak onəm i nyinyi. O rəng, uponzhi uYesu datkulung chit ka nvang.

⁶ Kang o tēm ka ashe ndak igwák wo ka apal ishi iyam ro kat. O re Inan a nyi iyam va ó dóm pa kpaktak ka atak nnəm aduwa ka achal nzəng ka nna adəngchi á na.

⁷ Nna te, nra igwak Inan va ji nkam nva ji pa ma kpán ipipir te, i pángchí igwák ka nrəng-nnap wo pa dakdak ka ashe aYesu kərísti.

⁸ Ôgənan, ka nkukur te, mmami ka nla pa o yəl igwák wo ka nrəng nnap iyam va pa kpaktak inənan, ká iyam va pa kpaktak ma pa mma na ichumchum na a na, ká iyam va pa kpaktak dakdak, ká iyam va pa kpaktak inənan pa zarara, ká iyam va pa kpaktak mí məman ka nzəng ká iyam va pa kpaktak byen ndər byen a. A yà pa iyam ro na yà va byen ji pa kpaktak, ká iyam va mal pa ma dəngchi dəngchi te, re o yəl igwák wo ká apir iyam va ta.

⁹ O nəm inok ká iyam va pa kpaktak ka o dyang, kat te ka o kam, kat te ka o fe ka atak mi, kat te iyam va ka o ya ka ashe nnap nnəm mi a. Ka asal va ta na Inan uga nna nra igwak i tēm nzəng ká wo.

UBulus na adəngchi kakul imwa

¹⁰ Mmami ka ashe nchang igwak pa makmak kakul aPonzhi uYesu, kakul pa o yendal chit ka apal ishi nnap nnakshi ka mi. A dóm wo dóm ka nnənəm matmat kan mbagar a wa a yà awo kat.

¹¹ Mmami ka nla iyam va ta awo kakul pa mmami ka ashe nlan kat. Kakul n dyang ntəm ka ashe nza apir ntəm nggo chit nzəng ka nchang igwak.

¹² N nyi iyam va nyi mí wór pa nlan iyam. N nyi iyam va nyi kpa mí wór pa ntəm ka ashe ashik. N dyang aghan aga ntəm nza apir ntəm nggo chit nzəng ka nchang igwak. Mo te, ntəm ka ashe afu ayəlyəl, kaṭ te ayang, kaṭ te ashik, kaṭ te nlan nggo. N nyinyi pa chatchat.

¹³ Mi nəm nkpaktak iyam nəm ka ashe ichumchum anəm va uwa ka nná ikàm á mi a.

¹⁴ ká nnà te, o nəm byen pari nva o kamshi mi kam ka ashe mbək anung mi.

¹⁵ Ónəm oga aFilibi, o nyinyi ká ishi wo pa, nva ka o ban nfe nnap-nlà Inan ngga nchang nfe kan n won n re mbin aMakidoniya te, ikilisiya iro ya í na iyam ówan yi ká izəzər kaṭ, ijiwo yà chwat.

¹⁶ Kāḍi lap te, nva ka n yà ka ashe nlan yà mmami ka aTasalonika te, o re nre re á mi ka nkamshi nvaṇ pa nkyák.

¹⁷ N là nnap va ta kakul pa mmami ka nnəm aḍom imwa ka atak wo kaṭ. Iyam va n ḍom te, nna i nak iyam wo i fu i ji.

¹⁸ O mwa mi chit mak yà ka nla kaṭ. O fən nkun mi chit gbaḷ pa chatchat ka atak imwa va uIpaforoditus ba ka a. Oza wa iyam ipápà kakul nshi va nəng fa a chang. Wa iyam va ma pa ma shi Inan maṇ ka maṇ a.

¹⁹ UPonzhi Inan mi, i nak wo o ya iyam va pa kpaktak o ḍom. Mi i kpaḱ ka ashe idudur imakmak va ichumchum aYesu kərísti iga atak atántàn a.

²⁰ Re ichumchum a təm iji Inan uPo yi mbyet mbyet. Nna a təm.

Nwachi nnap-nlà ká nre anung

²¹ O re anung nkpaktak onəm Inan va uKəristi wór chit tong ojini a. O re anung ôzà á mi ka. Ogənan va mmayi nzəng ka oza ka nre anung awo.

²² Nkpaktak onəm Inan oga atak va ta ka nre anung awo, a dong oga nzhi aKaisar uPonzhi uchumchum.

²³ Re nnap-nnənan aPonzhi uYesu Kəristi a təm nzəng ká wo.

Tarok Bible

The Holy Bible in the Tarok language of Nigeria

copyright © 2024 Luke Initiative for Scripture Translation

Language: (Tarok)

Contributor: The Seed Company

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-10

PDF generated using Haiola and XeLaTeX on 19 Dec 2025 from source files dated 10 Jul 2025

501af3c5-12fd-5965-ade7-9600b2d02717